

ამორტიზაციის ნორმის არჩევა 0266

ფაქტობრივი გარემოებები

საწარმომ დადგენილ ვადაში წარმოადგინა 2011 წლის მოგების გადასახადის დეკლარაცია, რომლის მიხედვით დგინდება, რომ ერთობლივი შემოსავლიდან გამოქვითულია ამავე პერიოდში ექსპლუატაციაში გადაცემული ძირითადი საშუალებების საამორტიზაციო ანარიცხები სსკ-ის 111-ე მუხლით განსაზღვრული ამორტიზაციის ნორმის გათვალისწინებით.

2013 წლის 31 მარტს საწარმომ წარმოადგინა 2011 წლის შესწორებული და 2012 წლის პირველადი დეკლარაციები, რომელთა მიხედვით შესაბამის საანგარიშო პერიოდებში ექსპლუატაციაში შესული ძირითადი საშუალებების ღირებულება სსკ-ის 112-ე მუხლის შესაბამისად სრულად გამოქვითა ამავე პერიოდების ერთობლივი შემოსავლიდან.

შეფასება

სსკ-ის 112-ე მუხლის პირველი ნაწილის მიხედვით, გადასახადის გადამხდელს უფლება აქვს, სრულად გამოქვითოს აქტივების ღირებულება იმ საგადასახადო წელს, როდესაც ძირითადი საშუალება ექსპლუატაციაში შევიდა. ამავე მუხლის მე-4 ნაწილის შესაბამისად, ძირითადი საშუალებების ღირებულების სრულად გამოქვითვის შემთხვევაში გადასახადის გადამხდელს უფლება არ აქვს, არჩეული გამოქვითვის ნორმა შეცვალოს 5 წლის განმავლობაში. ამასთანავე, გამოქვითვის ასეთი ნორმის არჩევა უნდა მოხდეს იმ საგადასახადო წელს, როდესაც ძირითადი საშუალებები ექსპლუატაციაში შევიდა.

საწარმოს მიერ 2011 წლის (ექსპლუატაციაში შესვლის პერიოდის) პირველადი დეკლარაციის წარდგენისას ამორტიზაციის გამოქვითვის ნორმა 111-ე მუხლით არის განსაზღვრული, რაც იმაზე მიანიშნებს, რომ 2011 წელს არ ყოფილა არჩეული ამავე კოდექსის 112-ე მუხლით განსაზღვრული სრული გამოქვითვის ნორმა.

2011 წელს ექსპლუატაციაში შესულ ძირითად საშუალებებზე უნდა გაგრძელდეს ამორტიზაციის დარიცხვა და ერთობლივი შემოსავლიდან გამოქვითვა სსკ-ის 111-ე მუხლით განსაზღვრული ამორტიზაციის ნორმების მიხედვით.

ლონისძიებები

2011 წლის შესწორებული დეკლარაციით ერთობლივი შემოსავლიდან სრულად გამოქვითული ამორტიზაციის თანხა ექვემდებარება შემცირებას.

პირის მიერ საგადასახადო დეკლარაციაში გადასახადის თანხის შემცირების შემთხვევაში მის მიმართ გამოიყენება სსკ-ის 275-ე მუხლით გათვალისწინებული სანქცია.